

Tikaagulliusaarnaq

Qallunaatut atia: Sejhval

Latiinerisut atia: Balaenoptera borealis

Tuluttut atia: Sei Whale

Sorlernut ilaava: Miluumasut

Uumasoqatai: Arferit

Ilaqutai: Tikaagulliusaat



Tikaagulliusaarnat silarsuarmi imarpissuarni tamani uumasuupput. Danmarksstrædemi Davisstrædemilu Kalaallit Nunaata kujataata avataani uumasuuvoq. Aasakkut issittut imartaanni angalaartarput ukiukkullu immani nillingitsuni immanilu kissartuniinnerminni nuliusarlutillu piaqqisarlutik.

Ilisarnaatai

Tikaagulliusaarnaq amitsukujuujuvoq qasertoq taartuulluni, qaqortunik milalik. Naparutaa portusuujuvoq tunuani sarpiata tungaanut kingusissumiilluni. Kiguserfimmini qullerni illuttut 300-400-nik soqqaqarpoq, naamigut 32-62-inik qiporaqarluni.

Nerisai

Nerisarai uumasuaqqat tappiorannartut, soorlu illeqqat, krillit, peqquit qaamasartut aamma aalisagaaqqat ataatsimoortartut, imertai soqqarminik nakkartittarlugit.

Paasissutissat

Uumaffii: Imaq
Takissusia: 12-18 m
Oqimaassusia: 20-30 tons
Aqqarsinnaavoq: ?
Aqqaamasinnaavoq: ?
Sukkassusia: nal.ak. 50 km
Ataatsikkut erniusut: Ataaseq
Piaqqisarpoq: ukiut marluk pingasulluunniit allortarlugit 1
Naartusarpoq: qaammatit 10-12
Milutsitsisarpoq: qaammatit 7

Nalunngiliuk?

Tikaagulliusaarnaq qallunaatut taaneqartartoq sejhval saarullikkut ilaat sejit atsiullugit ateqarpoq. Tamatumunnga pissutaavoq sej aamma sejhval Norgep sineriaani kangerlunnilu ataatsikkoortarmata, uumasuaqqat tappiorannartut nerisannaatik neriniarlugit.